

DI CHANSA (1983) PA COMPROMISO SERIO (1997) ...

"Los Laga Bai" a ser lanta door di John Fingal, Jan Bodekker y Emile de Cuba riba diaranzon 20 di januari 1983 basta laat den anochi na bar di Manchebo Beach Hotel y siguramente despues di e drinksnan necesario. Tur tres tawata tin un problema serio, nan no tawata tin un grupo di Carnaval na nan smaak pa join.

John cu Jan te cu e anja anterior semper a participa cu e grupo "Bankanaden", cual grupo a caba di ser disolvi. Emile semper a participa cu "Tivoli" y pa e dos ultimo anjanan cu "Esso Club". Pero na 1983 participacion di "Esso Club" tawata dudoso en coneccion cu welga na Lago.

Den e ambiente aki a bin un idea revolucionario di Emile riba mesa pa lanta un grupo chiquito, barata y cu disfraz facil y bai den parada, con cu para, queda. E idea tawata ta pa e grupo ta un "one-shot deal", otro anja Emile lo a bai back "Esso Club" y John cu Jan lo a waak con nan lo haci. Nos problema inmediato y unico pues tawata Carnaval 1983.

Algun dia despues nos a wordu gejoin door di Tico de Cuba, sigui pa Madeleine Kock y Yolanda de Cuba. Tambe nos por a conta cu e apoyo moral y material di Mauricio van der Ree di Arston Corporation, caminda Emile tawata emplea. Tempo di preparacion tawata corto ya cu parada grandi tawata dia 13 di februari 1983, pues apenas tres siman tawata resta. Den pura a dicidi riba un tema cu tawata "Come As You Are", cada un por a bin disfraz manera e kier, un bacanal completo pues. Vanzelfsprekend e nomber di e grupo a bira "Los Laga Bai", "Laat de Boel Maar Waaien" of "Let it All Hang Out".

Bar no tawata problema ya cu Tico tawata tin un flatbed truck riba cual a arma e bandanan y dak cu stellage. Jan Welmers na un manera unico y chistoso a percura pa e artwork riba e bandanan completamente gratis y pagando pa su inscripcion tambe. Esey semper tawata e espiritu den e grupo. Varios anjas mas Jan Welmers a handle artwork pa nos. Danki Jan!

Den pura a corre contrata "Hell's Angels" brassband, prijs tawata Afls. 4,000. Registracion a tuma lugar na oficina di Arston Corporation na Balashi. Den no time nos a sera 125 participante, prijs pa participa tawata Afls. 100. Gobierno (via S.A.C.) a contribui cu e suma di Afls. 1,000 den gasto di banda y nos a gana un premio di Afls. 100, presupuesto total tawata pues Afls. 13,600.

Como cu tawata musta cu nos lo a bai sobra placa a corre organiza un "Jouvert Warmup Party" na "Hoffie Chona", a laga Manchebo cater cuminda den parada y sirbi BBQ durante un fiesta na Manchebo Beach Hotel despues di parada. Nos a logra caba cu e placa te keda cu un deficit chiquito di Afls. 73.

Cos a bai tremendo, tur hende a goza te bai gol y e grupo a haci basta impacto, positivo y negativo. Tawata tin bastante critica riba nos disfraz, e grupo tawata "slordig", "bruha" y "desorganiza" tawata e comentarionan di persona cu ningun momento a comprende e filosofia di e grupo cu ta "Goza hopi, gasta poco", pues "Los Laga Bai". Ningun di e criticanan aki a molestia John, Jan ni Emile ya cu pa nan participacion den Carnaval 1983 tawata "Mision Cumpli".

E siguiente anja ora cu nos a kere cu nos por a busca grupo di "Esso Club" pa join nos a cumenza wordu aserca foi trempa pa hopi hende puntrando pa ripiti e grupo. Un dado momento presion a bira asina grandi cu nos no tawata tin choice y mester a bini cu un "segundo edicion" di "Los Laga Bai". Despues a bin number tres y asina nos a sigui te caminda nos ta awor, NOS TERCER LUSTRO.

No ta semper cos a bai mes facii, nos a pasa den hopi turbulencia pero cu perseverancia y creatividad semper nos a sa di logra resultado positivo.

Por ehempel na anjanan 1985 y 1986 (despues cu Lago a sera) e grupo tawata na e nivel mas abow di nos historia y placa no tawata yega. Pa por a participa toch mester a share un brassband cu Colegio Arubano (1985) y M.A.O. School (1986). Ta e fighting spirit aki a logra tene e grupo na bida te cu awe, hopi biaha solucionando problema serio sin cu nos hendenan sa mes.

Na anja 1986 nos a hanja nos promer dos sponsor, Lenor N.V. (Robert Nieuw) y Associated Engineers & Planners N.V. (Tico Petronia), ambos fiel miembro di nos cu lo mester tawata tin hopi duele di nos.

E promer boost financiero grandi a bini na 1987 ora cu Albo Aruba N.V. / Arubaanse Wegenbouw Maatschappij N.V. a join e fila di sponsors y te awe nan ta fiel y importante sponsor di "Los Laga Bai", yudando financieramente y cu equipo (generator).

Na 1992 nos a hanja otro boost grandi ora cu Esso Petrolera a bira nos main sponsor, lo cual nan a keda te cu 1995 ora cu Heineken a tuma over. Desde 1993 tambe nos por conta cu Antil como sponsor mientras cu pa anjas caba Kooltemp ta cooperando cu nos cu e pickup y driver pa trek nos bar. Xerox tambe pa anjas a coopera bon cu nos.

Di 1983 pa 1988 semper nos (mester) a bai cu brassband, ya cu finanzas no tawata permiti otro. Na 1989 pa promer biaha nos a bai cu banda riba truck y di eynan "no tawata tin way back". Tres biaha nos a bai cu "Musical Force" ("Tropics"), dos biaha cu "Eclipse" y e anja aki lo ta nos di cuater salida cu "Robert y Su Solo Banda Show".

Nos no por keda sin menciona algun persona cu durante henter nos existencia a sa di coopera cu nos na un manera estupendo. Cuminzando cu Ewald Biemans, actual Gerente di Bucuti Hotel, anteriormente Gerente di Manchebo Hotel. Pa tur 15 anja su hotel a percura pa catering den parada y BBQ despues di parada. Siguiendo cu Gordon Toussaint cu tur e 15 anjanan a percura pa disco pa nos BBQ parties.

Desde cu nos a cambia di brassband pa banda riba truck semper nos por a conta cu e fiel y excelente asistencia di Oscar Daal y Ivo Daal di Daal Transport cu a supply nos cu tractor pa nos band trailer. E promer anja so (1989) pa motivo di un mal entendimiento otro persona a supply nos cu tractor durante parada di Playa y por poco esaki a nifica e fin sin gloria di nos grupo. Mas riba esaki aki bow.

Na anja 1986 nos a construi nos propio bar trailer cu te awe ta den uso apesar di e toneladas di cerbes y soft drinks cu e mester a carga durante tur e anjanan. Costo tawata mas o menos Afls. 3,000 y Tico de Cuba a trahe. Despues continuamente a mantene y upgrade e trailer aki cu pronto lo bai ser cambia pa un nobo ya cu e grupo ta birando mucho grandi pa e bar aki. Ya nos tin compromiso di Albo / Arubaanse Wegenbouw cu nan lo coopera cu esaki.

Despues cu pa anjas nos por a conta cu cooperacion di nos gran amigo Nel Harms pa uso di su trailer durante henter periodo di Carnaval, na 1994 nos a cumpra nos mes trailer riba cual nos a haci basta construccion permanente. Awe nos tin un beyeza di band trailer cu ta representa un inversion di mas o menos Afls. 25,000 y tur anja nos ta upgrade e.

Anja pasa (1996) nos a cumpra bar coolers nobo na un costo di Afls. 5,000. Ta nos policy di ta lo mas tanto "self-sufficient" posibel, loque ainda nos falta pa cumpra ta dos generator. Actualmente nos propiedades tin valor di mas o menos Afls. 35,000. Ademas di esaki, nos a habri anja cu casi Afls. 5,000 na Interbank, nos banco desde 1990.

Pa por garantiza calidad na nos participantenan y musiconan semper nos ta trata di tin mas hopi cos posibel den nos man. Nos ta supply nos bandanan cu tractor, bandtrailer, generator, cuminda, bebida, uniform, enfin de todo. Catering di cuminda semper tawata den man di sea Manchebo of Bucuti hotel. Ta tractor, sonido, musico y cuminda so nos mes no ta supply (ainda). Seguridad di nos participantenan semper ta nos prioridad. Gracias a Dios nunca nos no tawata tin accidente pa lamenta. Semper nos Group Leaders y Coordinators ta alerto pa tur loke ta concerni seguridad.

Durante nos anjanan di existencia nos a crea hopi "debe moral" cerca persona y instancia cu di un of otro manera a sa di yuda nos den emergencia, tambe na prensa y radio cu semper a coopera hopi bon mes cu nos. Na nan nos eterno gratitud. Anecdotes, jokes y "semi-catastrofes" tawata tin hopi. Algun di esnan mas sobresaliente ta sigui:

Na anja 1984 pa un descuido nos no a bai loting di S.A.C. pa number den parada. Como resultado nos lo mester a bai mas patras den parada. En vista cu e anja ey Carnaval tawata hopi grandi (30 anja di S.A.C.) nos lo a yega hopi laat na final y esaki lo a stroba e BBQ despues di parada. Probechando di un momento di descuido y desorganizacion di parti di S.A.C. nos a "horta un shot" y a dreña parada como number nueve bow di masha protesta di otro gruponan "perhudica". Pa ora cu representantenan di S.A.C. a bin realiza loke tawata pasando ya nos tawata banda di Antil ta bai caba. Esaki a yuda si pasobra e siguiente anja S.A.C. a laga marka caya cu opsteling di gruponan y polis tawata duna gruponan permiso pa dreña parada. Indirectamente toch nos "cos di mala mucha" a contribui pa mehora Carnaval! Hasta tawata tin participante cu por poco a keda sin jump cu nos pasobra nan a bin stadion laat pensando cu toch nos ta ultimo!

Na 1989 durante parada di Playa door di circunstancia nos a hanja nos forza di usa un "tractor moribundo" pa hala nos band trailer. E tempo aya parada tawata dal buelta completo bolbiendo stadion via Paardenbaaistraat, La Sallestraat, etc., un ruta hopi largo pues. Ya banda di Talk Of The Town e tractor tawata "hik malamente" y ta gracias na e habilidad extraordinario di Tico de Cuba como driver y mecanico di trekker hunto cu Coordinator nan Randy de Cuba y un otro "gay cabey corra" cu continuamente tawata basha awa y azeta den e radiator y motor cu nos a alcanza final. Henter caminda nos pidi limosna (awa y bleki di azeta) unda cu nos por a hanja. E "gay cabey corra" tawata asina ocupa den su mision di rescate cu e no a ripara cu riba e badge cu a duna no tawata poni "Coordinator" sino "Miss Los Laga Bai" y e a cana rond henter parada cune "y cu tur honor". Cu suerte a logra yega cu e truck na final di parada cu a la vez tawata su ultimo lugar di descanso, nunca mas e a corre. Imahina boso kiko lo pasa si e a tranca durante parada. Disaster !

Na 1991 nos banda tawata tin problema cu generator y sound y no tawata cla pa toca ainda ora nos mester a dreña parada. Den un "accion bon getime" nos a logra "joyride" e "bezemwagen" di S.A.C. ("Los Bravos") cu fuera di a saca nos di candela a sa di duna un tremendo actuashon. Despues, mas cu husto, nos a paga "Los Bravos" pa S.A.C.

Na 1992 nos "techniconan" a gasta masha drillbit di tur sorto di material purbando pa bora algun buraco den metal cu e drill den reverse mientras un di e "super techniconan" tawata bashando awa riba e bit continuamente pa e no "overheat".

"HISTORIA DI LOS LAGA BAI" <•> 1983–1987

Na 1992 nos banda ("Eclipse") a confronta problema cu dos generator cu no por a traha pa falta di fuel filter y esaki riba diasabra mainta di parada di San Nicolas. Gracias na un accion relampago di nos parti y un spot dramatico cu Aldrich Croes a pasa na Canal 90 solicitando ayudo di ken cu por tin e tipo di filter cu nos tawata tin mester. Tawata e anja di "Tighter", pues tur hende tawata loco cu "Eclipse". Den no time nos a bin hanja reaccion di entre otro ATCO garage, Fifi Ho Sing Loy y finalmente tawata e magazijnmeester di AMC Unicon cu a tende e spot na radio a bin habri deposito pa nos por a hanja e filternan necesario. Asina sa coopera cu Carnaval, tremendo ! Como consecuencia di e spot di Aldrich nos telefon tawata "red hot" di hopi participante cu tawata yama tur preocupa pa puntra si nos ta bay den parada ainda.

Durante anjanan cu a pasa tawata tin hopi cambio. Na anja 1983 nos inschrijfgeld tawata Afls. 100, awendia nos ta na Afls. 225, keto bai un suma hopi razonable considerando lo cual e ta cubri. Si na 1983 nos presupuesto total (sin disfraz) a monta na Afls. 13,600, e anja aki nos lo surpasa Afls. 90,000. Aki bow ta sigui algun datos y estadistica interesante:

Anja	Tema	No. di Part.	Banda	Oficina di Grupo	Surplus (Deficit) Cash Basis	Lugar di Fiesta	
						Jouvert Warmup	Cool- Down BBQ
1983	Come As You Are	125	Brass – Hell's Angels	Arston	(73)	Hoffi Chona	Manchebo
1984	Ban Celebra cu S.A.C.	130	Brass – Rufo Odor	Arston	(14)	Skapetodo	Manchebo
1985	Poncho Party	98	Brass – Hell's Angels	Arston	(97)	Skapetodo	Manchebo
1986	Fiesta Brazilena	116	Brass – Kids of Fame	Lenor	1,160	No tawata tin !	Manchebo
1987	Fire Dancers	158	Brass – Hell's Angels	Lenor	(1,120)	No tawata tin !	Manchebo
1988	Fiesta Koreano	132	Brass – Hell's Angels	Pitastraat	359	No tawata tin !	Manchebo
1989	The Roaring Twenties	161	Tropics	Pitastraat	638	No tawata tin !	Manchebo
1990	Jolly Gipsies	211	Musical Force (Tropics)	Pitastraat	2,589	No tawata tin !	Manchebo
1991	Playing Cards Fantasy	151	Musical Force (Tropics)	Pitastraat	(3,540)	No tawata tin !	Manchebo
1992	Esso Parade of Stars	182	Eclipse	Pitastraat	42	Eagle Club	Bucuti
1993	Esso Puppets Show	217	Eclipse	Pitastraat	6,439	Lago Heights Club	Bucuti
1994	Esso Thunderbirds	229	Robert y Su S. B. S.	Pitastraat	(4,001)	No tawata tin !	Bucuti
1995	Fiesta Tropical	269	Robert y Su S. B. S.	Pitastraat	3,027	Aruba Racquet Club	Bucuti
1996	Chess Fantasy	279	Robert y Su S. B. S.	Pitastraat	(620)	Aruba Racquet Club	Bucuti
1997	The Party Swingers	341	Robert y Su S. B. S.	Pitastraat	6,000	Aruba Racquet Club	Bucuti
					10,789		

E surplus di 1997 ta un proyeccion. Segun nos policy, e surplus acumula ta ser reinverti tur anja den e grupo, sea den nos equipo of den atraccion pa nos participantenan. Anja pasa nos a cuminsa pa eligi y premia e mihor disfraznan (damas y cabayeros) den nos grupo. Ta idea pa sigui cu esaki.

Entre nos participantenan nos tin hopi miembro leal cu anja aden, anja afo ta participa cu nos. E siguiente ilustracion ta demonstra esaki:

Anjas di Participacion	Cantidad di Participante	
	1983 t/m 1997	1997
1	707	147
2	169	55
3	117	41
4	66	18
5	43	16
6	31	13
7	17	10
8	17	9
9	13	8
10	4	2
11	4	3
12	7	6
13	4	2
14	5	5
15	5	5

147 Kier meen cu den grupo di 1997 tin 147 first-time participants.

55 Kier meen cu den grupo di 1997 tin 55 second-time participants.

E hecho cu tin 707 participante cu ta 1 biaha so a bai cu nos ta debi na e hecho cu hopi di nos participantenan ta bishitante di exterior di cual-mayoria no ta bai mas biaha. Casi mescos ta conta pa e grupo di 169 cu a bai 2 vez so.

Nos tin dos participante di New York – Harold Jackson y Marisol Zinghini cu e anja aki lo ta participando cu nos pa di 10 y 8 vez respectivamente. Tambe nos tin bastante "repeaters" di Hulanda y Venezuela. E cifranan aki ta papia pa nan mes !

5 Kier meen cu den grupo di 1997 y grupo all-time tin 5 participante cu tin un record perfecto di participacion.

Averahe 2.31 3.29 Na tur te cu awor un total di 1209 individual a (lo) desfila den nos grupo.

"By choice" semper nos a trata di tene e grupo na un tamanjo comodo cu e size di nos bar por handle y cu nos por controla cu relativo facilidad, es ta mas o menos 275 participante. E anja aki cos ta bayendo foi man y nos ta anticipa di tin cu stop inscripcion na 400 participante. Aunque pa basta anja den tamanjo nos ta un di e gruponan di mas grandi, e anja aki sigur, nos goal nunca tawata ta pa ser mas grandi den tamanjo pero pa keda semper esun di mas ambiente. Nos no ta exahera si nos bisa cu den esaki nos a logra plenamente. Qua existencia tambe nos ta y lo keda number 1.

Apesar di ta un grupo di carnaval nos ta reconoce cu nos tin tambe un deber social pa cu nos comunidad, tanto durante y despues di carnaval. Nos equiponan, bar y otro facilidades semper ta na disposicion di Cuerpo Policial, S.A.C. Rode Kruis, Prensa, etc. Na varios ocasion Rode Kruis a yega di ricibi donacion di "Los Laga Bai". Tambe nos a contribui na e damnificadosnan di Sint Maarten despues di horcan "Luis". Na ocasion di nos tercer lustro ta intencion pa haci un donacion special na Rode Kruis.

Di e organizadornan di primera ora ainda Madeleine, Yolanda, John y Emile ta activo y cu record perfecto. Jan a stop na 1988 mientras cu Tico ainda ta yuda den asunto tecnico, no ta participa mas den parada pero semper tey "pa paga (of cende) cualkier candela". Di e otro "Group Leaders" Gerry Maduro, Shonnoo Maduro, Harold Pereira y Robert Nieuw tin 14 anja cu e grupo, nan tur a falta e promer anja. Rinus de Graaf tin 13 anja mientras cu e otronan tur tin menos cu 10 anja.

E unico participante cu record perfecto ta Antonio Correa. Pabien, nos lo sa di dunabo un reconocimiento debido.

Otro participante di trayectoria largo cu nos (mas cu 10 anja) y cu ta den grupo di 1997 tambe ta:

	<u>Anja</u>
Cheung, Marga	12
de Graaff, Mayra	12
Lopez, Onty	12
Martinus, Edwin	11
Martinus, Maria	11
Mathilda, Victor	11
Toppenberg, Yubi	12
van Blarcum, Ruby	14
Vishnudatt, Johanna	12

Actualmente e "directiva" di e grupo ta forma di e siguiente forma:

<u>Inscripcion y Disfraz</u>	<u>Construccion y Asunto Technico</u>	<u>Transporte di Generators</u>	<u>Bar Crew</u>	<u>Consehero Technico</u>
Madeleine Kock	John Fingal	Robert Nieuw	Marcel Tjon en Fa - Head Bartender	Tico de Cuba
Gerry Maduro	Shonnoo Maduro	Glen Maduro	Cynthia Paris - Supervisor	Max Fingal
Carina Luydens	Harold Pereira		Jason Paris - Helper	
	Rinus de Graaff		Crista Odor - Helper	
	Rudolph Croes		Karen Odor - Helper	
	Albert Odor		Vladimir Hajos - Driver	
	Jim Thuis			
	van Drie, Maas			

Finanzas, P.R. y Coordinacion General:

Emile de Cuba

NOTA FINAL

Di anja pasa mi a cuminza acumula datos di anjanan anterior pa por a bin cu e resumen aki.

Repasando e datosnan aki mi a bin encontra cu number di 12 ex-participante di nos grupo - tal vez por tin mas - cu ya no ta cu nos mas como cu destino a dicidi otro pa nan pero cu cada uno na su manera a contribui na e exito di nos gran grupo "Los Laga Bai" durante nos 15 anja di existencia.

Esaki pami tawata e push final cu mi tawata tin mester pa caba cu historia aki pa na number di henter e grupo por dedica e resumen aki na nan memoria.

Emile A. de Cuba